



Detinstvo,
nej me ostavili!

Detinstvo, nej me ostaviti!

XXIX. SMOTRA
DJEČJEGA KAJKAVSKOG
PJESNIŠTVA
“DRAGUTIN DOMJANIĆ”
- SV. IVAN ZELINA 2009.

Priredio
Dr. sc. Ivo Kalinski

Sveti Ivan Zelina
listopad 2009.

Mala biblioteka
»Dragutin Domjanić«
knjiga 56.

Nakladnik

Pučko otvoreno učilište Sv. Ivan Zelina

Za nakladnika

Ivica Kukovačec

Urednik

Dr. sc. Ivo Kalinski

Likovna interpretacija pjesama u zbirci

učenici osnovnih škola sudionica Smotre

Grafičko-tehnička priprema

POU Sv. Ivan Zelina

Tiskano u 600 primjeraka

Tisak i uvez: Tiskara »Zelina« d.d.

CIP zapis dostupan u računalnom katalogu Nacionalne i
sveučilišne knjižnice u Zagrebu pod brojem 717909

ISBN: 978-953-6540-44-0



XXIX. smotra
dječjega kajkavskoga pjesništva
»**Dragutin Domjanić**«
- Sv. Ivan Zelina 2009.

Na poziv Pučkog otvorenog učilišta Sv. Ivan Zelina za sudjelovanje na XXIX. smotri dječjega kajkavskoga pjesništva »Dragutin Domjanić« – Sv. Ivan Zelina 2009. odazvalo se 58 osnovnih škola s ukupno 328 učeničkih radova. Ocjenjivačko povjerenstvo u sastavu dr. sc. Ivo Kalinski (predsjednik), prof. dr. sc. Joža Skok i mr. sc. Božica Pažur, za objavu u ovoj zbirci odabralo je 48 radova od kojih je 28 predloženo za javnu izvedbu na završnom događanju Smotre 24. listopada 2009. u Sv. Ivanu Zelini.

Kazalo

Riječ urednika

Ivo Kalinski:

Putovi *tišine* izvan nostalgичne drijemeži VII

Detinstvo, nej me ostaviti!*

Štela bi

Devicemarije

Vedrana Babić: Devicemarije 11

Luka Blanuša: Mučkeno ljubavi 12

Paula Brezovec: Rouke 13

Julija Cerovečki: Slikica bedljuinska 14

Martina Ciglenečki: Zdeljica 15

Angelina Drvoderić: Moj domek 16

Antonija Fakin: Ljubaf je... 17

Ines Horvat: Lepotom se svojom protuletje razmetalo 18

Tea Horžić: Kad bi vrieme stale... 19

Martina Ištvan: Štela bi konja 20

Sara Jakopović: Puno posla 21

Tomislav Jelaković: Moj ded 22

Lucija Jelušić: Cesargradski pot 23

Robert Kapeš: Molitva 24

Patricija Kefelja: Ivončice 25

Tena Kovačić: Goreči črlen mak 26

Ljetni pot

Nikola Lešković: Kak štel bi znati 29

Ivana Lihtar: Ljetni pot 30

Stjepan Lukić: Potočac 31

Martin Magdić: Duhi, svemirci, babaroge 32

Antun Malnar: Jutro 33

Ema Marčec: Štela bi 34

Ozana Mikulić: Oluja 35

Laura Molan: Vrapčanka 36

Denis Obad: Zlatno oko 37

Leticija Oreški: Človek ki se ni mical 38

Tin Palac: Dedovo dvorišče 39

Paulina Pogačić: Cvetek 40

| | |
|---|----|
| Nikola Pokrajčić: Mački vučiju leteti galebicu Baricu | 41 |
| Barbara Posavec: Zela bom... | 42 |
| Adela Prstec: Jesenja vila | 43 |
| Jelena Puklin: V moje hiži | 44 |

Rejč damača

| | |
|--|----|
| Vedrana Radić: Kepec | 47 |
| Maria Ripa: Babica i japica | 48 |
| Nikolina Rumbak: Kaj sam baštinila | 49 |
| Nikola Sabolek: Moja steza | 50 |
| Josip Stanković: Joblak | 51 |
| Sara Laura Šarančić: Kak su se negda školali | 52 |
| Valentina Šargač: Šepni mi | 53 |
| Vedran Šargač: Vugni se | 54 |
| Filip Šeb: Digel se je veter jaki | 55 |
| Iva Šeb: Grunt | 56 |
| Filip Šokec: Oblak | 57 |
| Sanjin Trope: Drvu | 58 |
| Silvija Vađunec: Tišina | 59 |
| Monika Vesel: Rejč damača | 60 |
| David Vitez: Detinstvo, nej me ostaviti | 61 |
| Lovro Zenko: Dežd | 62 |

| | |
|--|----|
| Kazalo autora likovnih priloga | 66 |
| Osnovne škole koje su se odazvale na natječaj | 68 |

* Autori/autorice pjesama poredani/poredane su abecednim slijedom.

Putovi *tišine* izvan nostalgичne drijemeži

Iako je pojmovno, a moglo bi se reći čak i izvanpojmovno poimanje - što će reći: duboko emotivno - povezivanje sa zavičajem snažna životna sraslica koja se u mladu biću različitim (kreativnim) efektima različito odzrcaljuje, i koja se u “osjećajnom” kompleksu nikakvim čak nametnutim naporom sa strane ne može tek tako raskinuti a da bi to raskinuće bilo bezbolno (Angelina Drvoderić, *Moj domek*; Jelena Puklin, *V moje hiži*), iako u nekih kasnije adolescencijsko “urastanje” u zrelije životne etape sasvim sigurno uzima “mahove “ novovjekih modernih “insinuacija”, ona iskonska veza s tim nevinim znakovima djetinjstva (*drvo, potočec, dešč, oluja, veter, jutro, cvetek, zdeljica, molitva, mama, reč domača, itd.*) – u biću našeg osnovnoškolca ostaje kao nešto poput uramljene svete ikone, kao nešto što se nikad više – premda bi se htjelo – u prvotno usvojenu obliku kasnije neće moći sustići, ma kako ogromna i naporna želja u tom bila (David Vitez, *Detinstvo, nej me ostaviti*; Ema Marčec, *Štela bi*).

Kad je tako, a tako počesto bude, traži se “spasonosni put”, traži se “izlaz”, traži se “novi san”. Premda još uvijek u zagrljaju emocije, tada će se u mladih pjesnika, u njihovu poetskom djelu, uz ona bivša radosna raspoloženja i sjećanja na sretne dane djetinjstva sve više pojavljivati dramske crte. Uz one bivše ukrasne elemente u njihovim pjesmotvorima sad će se “poetsko tkivo” sve više vezivati uz - za razliku od početne emotivne raspršenosti - nešto čvrsto, tvarno (Paula Brezovec, *Rouke*; Iva Šeb, *Grunt*; Julija Ciglencečki, *Slikica bedljuinska*). No to nipošto nije nostalgичna drijemež u neakvim ruralnijim zakutcima

intime, ali svakako je pogodan medij za uspostavu nestereotipnog izričaja, za kojim pjesnikovanje i inače vapi.

No taj “novi san” traži se i doživljava i na druge, suptilnije načine. Pronađe li se, onda je to iznijansirana intima. Onda je to štošta od temeljnoga, a svakako jedan od njih je i onaj temeljni nagon bića, *ljubav/libido*, koja bi da u dodiru s drugim prevlada sve materijalne i sve moguće duhovne prepreke (Valentina Šargač, *Šepni mi*).

No taj tzv. “novi san” u traženju i nalaženju *ljubavi/libida* može jedinki biti – ne ostvari li se - kobno stresan, razočaravajući, a kad se to tako dogodi jedinka “osjeća” da život/življenje nema ama baš nikakva smisla. Mlada će pjesnikinja takvu situaciju tada stihovima ogoliti do neobična bezizlaza (Leticija Oreški, *Človek ki se ni mical*).

Ipak, unatoč svim mogućim nedaćama, ma kakve one naravi bile, mlada će pjesnikinja uklanjanjem svih životnih silnica u najdubljoj intimi ipak ostaviti/zadržati osjećaj i stanje duševne ravnoteže, smirenosti/mira/tišine za neka nova otkrivenja puna nade, za neke nove i buduće velike događaje, kako bi smogla snage za neku novu *pro arte*. Jer, poznato je, “u dušu u kojoj vlada tišina dolazi Bog”.

Uz gotovo puna tri desetljeća svakogodišnjeg trajanja dječjega kajkavskog pjesništva u Sv. Ivanu Zelini pod jedinstvenim naslovom Smotre dječjega kajkavskog pjesništva “Dragutin Domjanić”, dužnost je izreći poštovanje i hvalu organizatoru: Pučkom otvorenom učilištu Sv. Ivan Zelina, a ponad svega svim našim učiteljima, nastavnicima i profesorima koji s velikom ljubavi, brižnosti i marom pronalaze sretan način kako u sklopu slobodnih aktivnosti dati dostojan obzir njegovanju i očuvanju onog dijela materinskoga, hrvatskoga jezika koji zovemo kajkavski.

Ivo Kalinski



Štela bi

Vedrana Babić, 7. razred
Voditeljica: Dragica Majnarić
OŠ Ivana Gorana Kovačiča, Delnice

Devicemarije

Bejle zgončičke,
Zelene vankužičke,
I suzi svibanjske kraljice.
Tu so dejonške
devicemarije.

Luka Blanuša, 8. razred
Voditelj: Mato Đakmanec
OŠ Podrute, Novi Marof

Mučkeno ljubavi

*P*ofarbal sem lasi,
napičil ring
na nos,
nahitil pumu -
- i niš.
a štel sem samo
mali žmigec oka
i mučkeno ljubavi.

Paula Brezovec, 8. razred
Voditeljica: Sanja Biškup, prof.
OŠ Vidovec

Rouke

*R*ouke su kak i oči,
tešku je bež jih
kaj moči.
Dok se narodiju,
liepu zglediju,
čez život
se preminiju.
Čuda toga fčiniju,
se zmoučiju.
Kak hrastuvi kuori
žile im skočiju,
zmazane postouneju.
Kak zemlja su žilave,
kak mravlje vriedne,
kak sounce tuople.
Čega se oči bojiju,
to rouke fčiniju.
Škoda je da se čez
život se nafčiju,
a unda,
hmerneju...

Julija Cerovečki, 6. razred
Voditeljica: Đurdica Stubičar
OŠ Franje Serte, Bednja

Slikica bedljuinska

Vylječa, ljete, jesan i zielo
Nujvaču ljepetu
Zouma ne Bednje imu.

Štergouc pervi
Tum edzgere noša klieti
Vylječu sviati.

V polna do sa spi,
Bedljuinske ljete vruče
Ne trunjike diši.

Jesajnsku pesmu
Ped tersem ščuric pepievo:
Gryežđa černa dezriervo.

Zielsko roužo
Ed einjo bielo
Ne ebluku jutro precvielo.

Vylječa, ljete, jesan i zielo
Nujvaču ljepetu
Zouma ne Bednje imu.

Martina Ciglencečki, 7. rared
Voditelj: Štefanija Roškar
OŠ Sveti Križ Začretje

Zdeljica

*M*ala zdeljica na mojem
stolu stoji i tak mi
zgledi kak da nas
cijele vrijeme gledi.

Okrugla, črljena,
s cveteki po sebe,
gledi okolo po sobe.
Baš me zanimlje ke
mi za povedati ima,
ke štima, a ke h
naše hiže ne štima!



Angelina Drvoderić, 8. razred
Voditeljica: Mira Janjanin
OŠ Domašinec

Moj domek

Moj mali domek,
lepa hižica,
z malim gruntekom.

Hižica plava,
lesa zelena,
škedej stari.

Saki den mi se igramo skrivače.

Dok denes grunteka gledim:
asfalt sivi,
hižica se pofarbala,
lesa se obnovila,
se je nekak modemo...

Joj, moj mali domek,
de si ve?

Se mi se več čini da bo moj mali gruntek,
postal neka novo, neka moderno.

Spomen, samo mi bo to ostalo,
samo spomen na moj mali lepi gruntek.

Antonija Fakin, 5. razred
Voditeljica: Željka Skledar
OŠ "Pavao Belas", Brdovec

Ljubaf je ...

*Ljubaf je mefkoča i blagoča,
Toplota i mirnoča
Polek mene čistam blizu
Jedina moja radošča.*

Ines Horvat, 7. razred
Voditeljica: Cilika Tarandek
II. osnovna škola Čakovec

Lepotom se svojom protuletje razmetalo

*L*epotom se svojom protuletje razmetalo,
cvetju cifraste forbe pometalo,
fličke je vučilo novu vižo
i splelo im čist novo hižo.

Štimalo se kak zorušnica
mlodoga, črlenoga, svetloga lica.
Gledalo se v zrcalu potoka
i otprlo mojega srca obloka.

Tea Horžić, 5. razred
Voditeljica: Sanja Horžić
OŠ Ljubeščica

Kad bi vrijeme stale...

*K*ad bi se vure ovega svieta stale
i svoj tupi glas ne bi dale,
kulike je vur
zmočene babice ne bi znale.
Ni đaki na vrijeme f školu ne bi pošli,
ni radniki na delo došli.
Kad bi se vure stale,
moj cucek ne bi dobil kost,
imel bi celi dien post.
Kad bi vezda vrijeme stale,
mi dekle za naviek bi mlade ostale.
Nište si više f črnega grobeka ne bi legel,
najvekšu radost življenja saki bi dosegel.



Martina Ištvan, 5. razred
Voditeljica: Marija Halaček, prof.
OŠ Molve

Štela bi konja

Štela bi konja!
Bil bi smeđi,
Z belom lisom i štonfe.

Štela bi konja,
Žote grive i repa,
Zval bi se Isa.

Štela bi konja
Pasmine Apolosa,
Skakal bi kak skakavec.

„Moj sportski konj
Za preponska natjecanja...”
Senjam, a štela bi konja!

Sara Jakopović, 5. razred
Voditeljica: Aleksandra Kulari, prof.
OŠ Vjenceslava Novaka, Zagreb

Puno posla

*J*a furt tak puno
posla mam,
Stalno nekaj delam
I svačim se zanimam.

Največi je posel
Sak dan v školu iti
A gda se dimu vrnem
Fejst se vučiti.

Vu svom dvorišču
Sto ljet nisem bila
Jer sem v hiži
Navek nekaj delala.

Televizora treba gledeti
Cimera pospremiti,
Klavira igrati
I obeda zgotoviti.

A i potlam sega tega
Još se puno posla najde
Sa sestrom se svaditi
Makar od tega nema vajde.

I na kraju konca
Kad se to obavim
Još se posla najde
Kaj ga zaboravim.

Tomislav Jelaković, 6. razred
Voditeljica: Marijana Obad Poldrugač, prof.
OŠ Ksavera Šandora Đalskog, Donja Zelina

Moj ded

*M*oj ded stalne pod slivu puši.
Od dima se i vrabec z šlive zruši.

Šte pu ceste ide, on štundira
i žene svoje ne da mira.

Pumalu si pivicu nateže
i šejtoflin v žepu fejest steže.

Svakujačke pripuvesti zna povedati,
a lepu pucu v novinami
ne zabi pogledati.

Lucija Jelušić, 7. razred
Voditeljica: Verica Havrle
OŠ Antuna Mihanovića Klanjec

Cesargradski pot

*P*oleg hiže moje
Grbav kakti prot
Vijuga blatni, šomski pot.

Z leve i desne jengove strane
Šire se grmi, drevje i grane.
Zeleni drač je jengovo cvetje,
Kaj cvete v letu i protuletje.

Na Cesargrad naš pot nas vodi
Po njemu se baš lahko i ne hodi.
Po letu v blatu noge stišče,
A v jesen mefko pokriva ga listje.

V zimi je pust z snegom pokrit,
Tožen i sam v zemlo zabit.
I nigdo se pota ne zmisli, tad
Po njemu nejde ni star ni mlad.

A protuletje gda nazaj dojde
Tim našim potem sak rado projde.
On vesel je spet kak i lani
I nikom po sebi prejeti ne brani.

Sejeno dalje grbav kak prot
V šomu vijuga naš blatni pot.
I saki po njemu rado hodi,
Jer pot taj na Cesargrad vodi.

Robert Kapeš, 7. razred
Voditeljica: Maja Priher
OŠ "Vladimir Nazor", Sveti Ilija

Molitva

*T*ej den nebo je bilo črno,
a toga se vlevala v naša srca.
Odnokod daleko dohajala je jesen:
v noč, v jutro, po danu, navečer.
Ta jesen bila je prazna bez tebe.
Mesto tvojeg smeha
v hižu je došla naša toga, naše soze.
Ak ti je kmično i mrzlo tam gde de ve jesi,
šepni mi v senju i ja bum vužgal sveče
da ti daju svetlost i toplinu.
Te sveče nesi na pot Gosponu.
Čuval buš nas z neba,
a ja bom se za te molil zi zemle.

Patricija Kefelja, 5. razred
Voditeljica: Danijela Špoljarić
OŠ Martijanec

Ivončice

*V*u ivonski noči bateki so bile,
a po belem dnevu cvet so dobile.
Zeleni je kliček, a beli je cvet,
čmele prevloči, slatki bo med.
Sinokošu celu z belem so pokrile,
kak mladenku z velom
so jo ovile.
Ivončice bele, z zlotom vu sredini,
veter im šepče negi vu dalini.



Tena Kovačić, 6. razred
Voditeljica: Marija Kraš
VI. osnovna škola Varaždin

Goreči črleni mak

*K*ak dečec mali vu polju se črleni mali mak,
Ko crvendač srečen, ko na sunčeku rak.

Vu torn moru gorečih pajdaša ki za pravicu se mučiju,
Stare kumice klafraju, mali zečeki spiju.

Vu leti stari mlinar na črleno polje beži,
Hoče pronajti črni plod ki vu maloj makovoj glavici leži.

Kak kumica stara mak se vije dok veter zapiha,
Sporo on zatanca, ko dete malo on se njija.

Kak ogenj zimski srečen plamsa mali mak,
Ko crvendač srečen, ko na sunčeku rak.



Ljetni pot

Nikola Lešković, 8. razred
Voditeljica: Vesnica Kantoci
Osnovna škola Oroslavje

Kak štel bi znati

*N*a klupi pri peči
stari japica sediju,
same v pod glediju.

Kak štel bi znati
kaj ga v duši tišči
zakaj same šuti.

Kaj to njegvu dragu sedu glavu
se bolje k zemlji pritišče.

Kak štel bi znati...

Nekaj si grunta...
pak polefko z glavu kima,
kak da se z nekim spomina.

Po časi pak stišče
koščate žuljave roke
kak da bi nekaj rad zdrobil.

Polefko zapre oči, male zažmiri
pogleje pak z neku kresnicu v oku,
otpre šaku kak da bi rad nekaj podragal.

A suza mu se v oku pojavi
i kak po trdi brazdi
čez lice mu se spusti.

Kak bi rad znal
kaj to japicu tišči
i dušu mu tak boli.

Jož, kak štel bi znati...

Ivana Lihtar, 6. razred
Voditelj: Vladimir Grudenić, prof.
OŠ Mače

Ljetni pot

*K*re pota trava se zeleni,
A po njem pone dece beži.
Kaplice rose v rane jutre na trave
bleščiju
i pota bi štele da vmiju,
jer po njem hodi puno nog
i sam vodi ih Bog.

Stjepan Lukić, 6. razred
Voditeljica: Natalija Dujaković
OŠ Ivana Perkovca, Šenkovec

Potočac

*P*otočac čisti
čez našu lozu teče.
Lipi je bistri
kak srebrni
panklin na
pucinoj rubači.
Kad vuz jenga
ideš gori prema brigu,
se je tajši
i h zemlu beži.
Tu zis zemle
un se rodi,
a unda čez lozu
i cili naš kraj
prema Savi beži.

Martin Magdić, 6. razred
Voditeljica: Martina Lakuš
OŠ "Vladimir Nazor", Sveti Ilija

Duhi, svemirci, babaroge

*V*ovo doba se je više grdih vesti,
dolaziju svemirci, duhovi se šečeju po cesti.
Još su tu utvare i babaroge,
ljudi v poljima vidiju kroge.

Čovek s pucom na piknik ide,
i tam kraj reke z duhom se zide.
Duh ga blede i mrtvo gledi,
a puca prestrašena na podu sedi.

V zgradi po kmici dok prazno je se
kamera v liftu snimila je duhove.
To bil je duh babe stare,
morti je i babaroga koja plaši pod stare dane.

Svemirci negde zdigneju krov
i v žitu skopleju rov.
Ljudi prestrašeni su si,
a svemirec ih z neba gledi.

Antun Malnar, 6. razred
Voditeljica: Rezika Jašarević
OŠ "Petar Zrinski", Čabar - PŠ Prezid

Jutro

*V*zeljene trafce,
ko gizdave frajle
šaraste rušce
vesuaku so
zdignele svaje
guafce.

Tičke zos gnejzdoc
so prve put
paletejle,
na vejo stare črejšne
pred hišo
so sejle.

Zazvižgale,
zapapejvale,
hedu so se veselile,
šumo,sjeu,
hrib, dalino,
sunce, vejter...
se tu so
zbedile.

Emma Marčec, 6. razred
Voditeljica: Durđa Trpeza
I. osnovna škola Varaždin

Štela bi

Štela bi još dougo diete biti,
knice se plašiti,
z bratom se biti.
Štela bi još dougo kak diete se smejati,
i samo se igrati ... igrati...

Štela bi još dougo smešna slova pisati
lepe cveteke risati.
Štela bi još dougo bez brige biti,
z nikim se svaditi.

Štela bi još dougo sousedu črešnje krasti,
a neki put
i na koleno opasti.
Štela bi se semu veseliti
i zanavek diete biti.

Ozana Mikulić, 7. razred
Voditeljica: Jelena Okić - Premec
OŠ Legrad

Oluja

*S*edim na verandi i gledim oluju
Pitam se dal bu gde grom vudril v struju

Hiladu mi misli čez glovu letiju
A joči me od umora boliju

Vidim kak grane pred vetrom drfčeju
I kak se sveče v hižama gasiju

Kak mi se čini još malo fali
Da i moje srce z vetrom poleti

Da mi se slobodna duša
Šuma vetra naposlušā
I da konačno dletim, dletim
Na livadi se bajni zbudim !

Laura Molan, 3. razred
Voditeljica: Vlatka Markulin
OŠ Gornje Vrapče, Zagreb

Vrapčanka

*R*ođena sam tu,
u lepom gradu Zagrebu.

Živim na malome bregu
di se deca veseliju snegu.

Sanjkamo se kak na selu
da vidite tu decu veselu.

Kad je več dosta snega,
lastavica nam s juga donese sega.

Po bregu i po grabama,
se je pokrito z visibabama.

Beremo jaglace i tratinčice,
od črešnji delamo si rinčice.

A kad je dole vu gradu vruče,
nama tu vetrič zafijuče.

I lakše je leto zdržati
jer se spremamo zimnicu brati.

Jesen kad nam svoje plodove podari,
sto je za spremit slatkih stvari.

Makar u gradu, tu smo na selu,
poglejte nam boju, crvenu, zrelu.

Osim kaj sam Zagrepčanka,
ja sam Vam prava mala Vrapčanka!

Denis Obad, 7. razred
Voditeljica: Ivanka Lazar, prof.
OŠ Sveti Đurđ

Zlatno oko

*Z*budilo se,
zevalo,
zlatne losi spuščalo
i plelo velke kite
i kitice male,
kitice zlatne.
To zlatno oko
ide,
ide dale.
Najempot
nema ga više...
Mesto zlatnoga oka
veter kiše.

Leticija Oreški, 8. razred
Voditeljica: Ines Ercegovac, prof.
VI. osnovna škola Varaždin

Človek ki se ni mical

Med ljudimi se zgubil.
Na vreme je pozabil.
Dihat je stal.
Jest ni štel.

Postal je trdi, trdi kak kamen.
Mislil je da se bo zmisliła.
Mislil je da bo se vrnula.

Čakal je
čakal,
čakal.

Človek ki se ni mical.
Sam je njo čakal.

Tin Palac, 3. razred
Voditeljica: Tatjana Kukić
OŠ Dragutina Tadijanovića, Zagreb

Dedovo dvorišče

*G*da v petek ze škole dobežim
na vikenda se dedeku pelam.

Na dvorišču mam ostanem
I pozdravljam se kaj je tu:
Guske, purani, kokice,
pajceki, miceki i pesek Mimi.

Tu se igram,
na grad zaboravim.

Paulina Pogačič, 1. razred
Voditeljica: Barbara Bogovič
OŠ Antuna Mihanovića, Klanjec

CveteK

*C*veteK je liepi,
CveteK je dišeči.
CveteK je cveteK.
Po cveteku leptir skače
CveteK se na deždu plače.
Najlepši je cveteK zagorski.



Nikola Pokrajčić, 6. razred
Voditeljica: Biserka Fruk
OŠ "Stjepan Radić", Božjakovina

Mački vučiju leteti galebicu Baricu

*J*enog dana mala tica opala je na balkon nekih mačkov.
Bila je sva zmazana, kak da je vu grabu opala.
Mački su se splašili, a tica je kasnije riknula, ali je ostalo male jajce.
Maček Joža je sel na nje kak na gnezdo.
Grijal ga je dok se ni rodila mala tica.
Jadnička mala ni mogla leteti.
Tri mačka, Štef, Jura i Joža, dali su joj ime Barica, po njihovoj lepoj mački Bari.
Mački su šteli da ona poleti, al' se ni dala.
I tak jenog dana, veter je zapuhal kakti Štef posle graha na WC-u.
Mački su je bacili kak im je rekel pesnik.
Počela je opadati, al' ju je veter dignul i ona je poletela kak prava normalna tica.
Si su bili sretni kak i Štef kad zide z WC-a posle graha.

Barbara Posavec, 6. razred
Voditeljica: Mirjana Posavec
OŠ Ivana Rangera, Kamenica

Zela bom...

Čd sonca bom zela toplino,
ed meškega cvieta vedrino,
ed tronika rosneg frižino,
ed ljetnega, črlnega maka milino.

Stari hrast mi bo dal mudrest,
mala sernica plahest,
ftiči mi boju dali nebesku stvarnest,
ma mati - viečnu radest.

Adela Prstec, 5. razred

Voditeljica: Ana Lodeta

OŠ Antuna i Ivana Kukuljevića, Varaždinske Toplice

Jesenja vila

Steza, grm,
šiba, trn.
Suhi list
riše kist.

Veverica nosi žira,
zimsku gozbu još si zbira.

Puh debeli repa vleče,
jedva v luknju se zavleče.

Mali jež čez dol se spusti,
okoli njega listje šušti.

Na igle svoje polovi
listje, kistanje i ježefke
i klobuk koje glive mefke.

Veter ve čez grane svira,
žotom listju dirigira.

A šoma je v jutro siva
kaj da v megli ona pliva.

Lude glive, mahovina,
stari bršljan, paučina,
se se v sivoj megli ftopi,
drobna srna oči sklopi.

Šušti nam jesenje listje,
koraki so teški si.

Prešlo je veselo leto,
šoma ve polefko spi.

Jelena Puklin, 7. razred
Voditeljica: Bojana Andreč
OŠ Belec

V moje hiži

V moje vam je hiži sega
I špuotancof i betega.

Tatek stalne k doktoru hodi
Dok babica vu hiži politiku vodi.

Mamica se z gruntem nateže
I več ju ruke buljiju i se joj je teže, teže.

Sestra se same mode drži
Nje vam šminke i obleke ne fali.

Ja tuo gledim i najlepše mi je dok spim,
A se je iste kad se zbudim.



Rejč damača

Vedrana Radić, 6. razred
Voditeljica: Nada Kanižanec
OŠ Gradec

Kepec

*S*ako jutro čez oblok pogledam
i navek ga vidim v travi
pred susedovom hižom.
Kapa mu se fest črleni,
obleka se plavi kak proletno nebo,
kaput zeleni, čizme črne,
a brada mu bela, dugačka.
Suseda ga je tu postavila
da v rukami cvetnoga teglina drži.
Leti ga sunčekko greje i peče,
v zimi severnjak snegom zameče,
a on se ne pomekne.

Deca mu se smeju,
mačke i pesi obilaze,
muhe, puži, mravi plaze,
a on stoji, stoji.
Meni je tega kepeca fest žal.

Maria Ripa, 6. razred
Voditeljica: Sunčica Križan-Kadi, prof.
OŠ Novi Marof

Babica i japica

*K*raj gorica - kletica
V pelnici - kupica
Vino pije - japica
Furt ga špota - babica.



Nikolina Rumbak, 6. razred
Voditeljica: Marija Bolšec
Oš Antuna Mihanovića Petrovsko

Kaj sam baštinila

*T*uj pri nami
čuvam vu duši i sarcu
čuvam na bregu h salu
hižu darvanu, krovек slamnati.

Zibelka na najžu
drvena nacifrana spi.
Deteči plač ju zbudi.
Moj tatek se vu njoj zibal,
a zibala sam se i ja.

Kolovrat, vreteno, preslicu,
zemljeni lonec i korito
baštinila sam od babice.

Dvor na bregu.
cirkva takaj.
Husta i tranik,
njiva i tarsja.
To moja ja baština,
kak i reči tere
zde pišem i govorim .

Naj se ne pozabi
domača moja najslajša reč.

Nikola Sabolek, 7. razred
Voditelj: Mato Đakmanec
OŠ Podrute, Novi Marof

Moja steza

*S*aki dan nad mojom stezom sonce blešči.
Dok deca idu v školu, se okolo kriči.
Steza moja, nigdar neje sama,
negda dojde pes ili črna vrana..

Žuto cvijetje raste kre moje steze.
Okolo nje su velike breze.
Cieli dan tu popevaju tiči
se dok se ne skmiči.

Steza moja naviek me na pravi put vodi
i nigdar mi se ništ ne dogodi.

Josip Stanković, 7. razred
Voditeljica: Tajana Graša
OŠ "Braća Radić", Desna Martinska Ves

Joblak

*O*djenput se na nebu stvoril
mali, beli joblak.
Odkud je došel,
ništo ne znal,
a on je na nebe se nijal, nijal
i pak stal.
Z dimnaka
je dim krenul,
brke mu naredil.
Joblak se zatresel,
počel se oko dimnaka vrteti,
motati, vrteti...
a onda je najenput
na te crni dimnak
počel svoje nežne, prozirne
suzice puščati.

Sara Laura Šarančić, 6. razred
Voditeljica Mirjana Rajter
OŠ Brezovica

Kak su se negda školali

*K*ad su bili đaki mali,
celi den su školu imali.
Bili su bosu do leda,
ali veseli kak lastavice.
F torbicami pisaljke i pločice,
si oblečeni v bele rubačice.

I još mi je povedala draga baka
da u Demerju ni bilo hiže bez đaka.



Valentina Šargač, 7. razred
Voditeljica: Vesna Pucak
OŠ Breznicki Hum

Šepni mi

*S*akemu nešče zlatnu preju
okoli srca namata.
Sakemu godi če mu nešče
tak slatke rieči šepne:
„Imam te rada;
denes bolje nek ščera,
nu senek menje nek zutra.”

Ljubaf-
kak rosa jenak opane
i na ruožu i na drač,
kak ogenj v sakemu se
bar jemput vužge,
kak ognjišče na koje furt
treba nadomietati.

Ljubaf-
kak sonce sakega topi
če baš ga i oblak skrije,
kak pahulicu treba ju čuvati
da se v soze ne rastopi.

Vedran Šargač, 1. razred
Voditeljica: Ljubica Bešenić
OŠ Novi Marof

Vugni se

*V*ugni se od šporeta!
Boš se opekel!

Vugni se od auta!
Boš ga odrapil!

Vugni se od televizora!
Gledim seriju!

Vugni se!
Vugni se!
Vugni se!

Bom!
Samo mi rečite kam!

Filip Šeb, 8. razred
Voditeljica: Gordana Čosić, prof.
OŠ Dragutina Domjanića, Sv. Ivan Zelina

Digel se je veter jaki

*P*ukal drievea, trgal grane,
zaletaval se na se strane.

Pod hižnim je krovom hukal.
na pilnična vrata rukal.

Na saku je šajbu probal,
on je nuter nekak moral.

V hižu štel se je zavlieči,
ni se plašil niti peči.

Grom je grmel na vrh brega,
svietlila mu striela z neba.

Ves optukel se je veter
kad se sikam je zaletel.

I na kraju sam se vubil,
v grmju, trjnu se je zgubil.

Iva Šeb, 6. razred

Voditeljica: Mirjana Obad Poldrugáč prof.

OŠ Ksavera Šandora Đalskog, Donja Zelina

Grunt

Jegacija cvete,
selem diši.
Mati je v trsju,
a babica bažul sadi.

Trsi su rodni,
bažul je zišel vun. Penez bu
ak tuča nebu
pobrala letinu su.

Tak se na gruntu
mučimo si.
Negdar zabadav,
a negdar nešte
i neke dobi.

Filip Šokec, 6. razred
Voditeljica: Branka Jakupec
OŠ "Antun Nemčić Gostovinski", Koprivnica

Oblak

*N*a livadi vu visoke trave ležim
i oblake bele gledim.

Jeden je kak ovčica,
drugi kak ptičica,
a treći kak ribica.

Vu nebo gledim,
i vu mislima po njemu plovim.

Da sem bar te oblak beli,
kojem se sako dete veseli.

Sanjin Trope, 8. razred
Voditeljica: Marina Hrga Arh, prof.
OŠ "Petar Zrinski", Čabar

Drvu

*S*amu, napeštjenu,
na vrhe griča
staji anu
majhnu drvo.

Nebeden ga ne vide,
staji tam samu.
Lepuoton se diče,
Sunce ga obasjaua.

Tiče ga obletajo,
gnejzda se na njemo dejvajo.
Mačke mu na grane skačejo
i kuro mu trgajo.

Druge dan
drva več nej buo,
ne lepoti, ne tičov,
ne mačje veselice.

Silvija Vadunec, 6. razred
Voditeljica: Nataša Sedlar, prof.
OŠ Ludbreg

Tišina

*D*ok televizor struje nema.

Dok listja drevo nema.

Dok nebo vetra nema.

Dok reči mama nema.

Dok gitara prste nema.

Dok pesa selo nema.

Dok more bure nema.

Dok dece škola nema.

Dok pesma nema stiha,
v srcu je samo tišina.

Monika Vesel, 4. razred
Voditeljica: Tina Malnar
OŠ "Petar Zrinski", Čabar - PŠ Tršće

Rejč damača

*H*edu sa rada mejnen
i tu zes jeziken,
kire ja heđu vrejden.

Suabu ma razumjo ledi,
pogotovo uni
heđu šulani.

Ča grimo kan v grad,
uozira sa v nas
sake rad.

Ani nas pagledivajo,
ani sa nan smejajo,
ani sa pa i nuarca dejvajo.

Jast sa jezika damačga
ne sramen,
zak ja tu jazek;
star aten, baken,a i mamen.

Navadua bun jast i
deco svajo,
da rejč damačo
ne pazabjo!

David Vitez, 6. razred
Voditeljica: Đurđa Trpeza
I. osnovna škola Varaždin

Detinstvo, nej me ostaviti

*Z*mislim se dana gda smo bili mali,
gda smo se po ciele dneve igrali
i bez brige bili.

Na večer bi v zamusanih hlač dimo dohajali
i polek fine večerice zmočeni v
toplu postelju se pospravili.

Dnevi su bili dougi i lepi
i nišče me ni za niš pital.

Joj, joj gda se zmislím sega toga,
tak mi je žal kaj sem stareši.

Fali mi detinstvo moje,
teško mi se ž njim raziti.


Lovro Zenko, 1. razred
Voditeljica: Ankica Dmejhal
OŠ Ivana Grande Soblinec - PŠ Adamovec

Dežđ

*P*očnu vu jesen ranu
obluk mi prati
kap, kap, kap,
prve dežđene kapi.

Onda pak vu zime
na obluk jake lupa
nojsi ga veter teri zavija,
kak da moje ime priziva.

I moje oči kad to glediju
od tog dežđda i one
suziju.



Kazalo autora likovnih priloga

| Str. | Autor/autorica ilustracije |
|------|--|
| 3. | Rebeka Siročić, 2. razred OŠ Antuna Mihanovića, Klanjec |
| 9. | Klaudija Lipovac, 8. razred OŠ "Petar Zrinski", Čabar – PŠ Prezid |
| 15. | Iva Kosovel, 5. razred OŠ Sveti Križ Začretje |
| 19. | Tea Horžić, 6. razred OŠ Ljubeščica |
| 25. | Petra Talan, 6. razred OŠ Martijanec |
| 27. | Ivana Lihtar, 7. razred OŠ Mače |
| 40. | Marta Čivrag, 2. razred OŠ Antuna Mihanovića, Klanjec |
| 45. | Laura Genc, 5. razred OŠ Franje Serta, Bednja |
| 48. | Kristina Granatir, 7. razred OŠ Domašinec |
| 52. | Ana Maticun, 6. razred OŠ Vjenceslava Novaka, Zagreb |
| 63. | Martina Ištvan, 6. razred OŠ Molve |
| 67. | Karla Skok, 8. razred I. osnovna škola Varaždin |



Osnovne škole koje su se odazvale na natječaj

- I. OŠ Varaždin
- II. OŠ Čakovec
- VI. OŠ Varaždin
- OŠ “Antun Nemčić Gostovinski”, Koprivnica
- OŠ Ante Kovačića, Zlatar
- OŠ Antuna i Ivana Kukuljevića, Varaždinske Toplice
- OŠ Antuna Mihanovića, Klanjec
- OŠ Antuna Mihanovića, Petrovsko
- OŠ Belec
- OŠ “Braća Radić”, Koprivnica
- OŠ “Braća Radić”, Martinska Ves
- OŠ Breznički Hum, Hum
- OŠ Brezovica
- OŠ Domašinec, Dekanovec
- OŠ Draganići
- OŠ Dragutina Domjanića, Sv. Ivan Zelina
- OŠ Dragutina Tadijanovića, Zagreb
- OŠ Đurmanec
- OŠ “Fran Koncelak”, Drnje
- OŠ “Franjo Horvat Kiš”, Lobor
- OŠ Franje Serta, Bednja
- OŠ Gornje Vrapče, Zagreb
- OŠ Gradec
- OŠ Ivana Gorana Kovačića, Delnice
- OŠ Ivana Grande, Soblinec
- OŠ Ivana Grande, Soblinec - PŠ Adamovec
- OŠ Ivana Perkovca, Šenkovec
- OŠ Ivana Perkovca, Šenkovec - PŠ Drnje
- OŠ Ivana Rangera, Kamenica, Lepoglava
- OŠ Ksavera Šandora Đalskog, Donja Zelina
- OŠ Legrad
- OŠ Ludbreg
- OŠ Ljubeščica
- OŠ Mače
- OŠ Marija Bistrica
- OŠ Martijanec
- OŠ Molve

OŠ Novi Marof
OŠ Oroslavje
OŠ “Pavao Belas”, Prigorje Brdovečko
OŠ “Petar Zrinski”, Čabar
OŠ “Petar Zrinski”, Čabar - PŠ Prezid
OŠ “Petar Zrinski”, Čabar - PŠ Tršće
OŠ Podrute, Novi Marof
OŠ Rečica
OŠ Sesvete
OŠ Sveti Đurd
OŠ Sveti Križ Začretje
OŠ “Stjepan Radić”, Božjakovina
OŠ Štrigova
OŠ Veliko Trojstvo
OŠ Vidovec
OŠ Viktora Kovačića, Hum na Sutli
OŠ Vjenceslava Novaka, Zagreb
OŠ “Vladimir Nazor”, Sveti Ilija

29.
Smotra

Cijena: 35,00 kn



9 789536 154044 0